

544 Von dem wazzer ūfez lant.
 er gie unt truog ūf sîner hant
 ein mûzersprinzelîn al grâ.
 ez was sîn reht lêhen dâ,
 5 swer tjustierte ūf dem plân,
 daz er daz ors solte hân
 jenes, der dâ læge;
 unt disem, der siges pflæge,
 des hende solt er nîgen
 10 und sînen prîs niht verswigen.
 Sus zinsete man im blüemîn velt.
 daz was sîn beste huoben gelt,
 oder ob sîn mûzersprinzelîn
 eine galandern lêrte pîn.
 15 von anders nihtiu gienc sîn pfluoc,
 daz dûht in urbor genuoc.
 Er was geborn von rîters art,
 mit guoten zühten wol bewart.
 er gienc zuo Gawane.
 20 den zins von dem plâne,
 den iesch er zühtecliche.
 Gawan, der ellens rîche,
 sprach: »hêrre, ine wart nie koufman;
 ir megt mich zolles wol erlân.«
 25 Des schiffes hêrre wider sprach:
 »hêrre, sô manec vrouwe sach,
 daz iu der prîs ist hie geschehen;
 ir sult mir mînes rehtes jehen.«
 »hêrre, tuot mir reht bekant.«
 30 »ze rehter tjost hât iwer hant

↓*G *T
 er n., *G
 und om. *G (nur GI)
 im (im sin I nû daz L) bluomen (blömin G [U] daz O) v. *G *T
 ez was *T

an guoter zuht (An zuht G) wol b. *G (nur GI)

dem (om. U) plâne *T
 ie. er gezogenliche (zvhtechliche O). *T

sch. meister w. *T
 vr. ez s., *T (nur T)

mir om. *T (ohne O) · Jr sôllent mines rehtes mir iehen V

*D: D *m: m *G: G I L Z *T: T U V O

1 Initiale D G L Z O **7** Majuskel T **11** Majuskel D **15** Initiale I **17** Majuskel D **19** Initiale T U V **25** Initiale I · Majuskel D

2 ūf] an *m **7** læge] gelæge *m **8** und dem, der dâ siges pflæge, *m · unde dises (diseme L [Z]), der (der da I [Z] dersz L) siges pflæge, *G · unde der (om. U) des siges pflæge, *T
11 blüemîn] bluomen *m **12** beste] bestez *m **17** er was erborn von ritters art. *m **18** mit guoten zühten wol bewart *m **19** er gienc] gienc er *m **20** den zins von dem (om. m)
 plân *m **21** vordert er zühteclich. *m